

Bəra'inə nga ləkələkətə nga Bulusə ka ənji Teesaloonika

¹ Wiinə ləkələkətə ca dzə koonə, Ikəliisiya nga Teesaloonika, daci inə Bulusə da Silasə da Timooti. Agi nəhəpaanə niinə tuunə, ənji nga Əntənfə Dəsənaamə da Slandanə Yeesu *Aləmasiihu. ² Wa Əntənfə Dəsənaamə da Slandanə Yeesu Aləmasiihu a da koonə pwapoonə, təya vii koonə ndzaanə jamə.

Shinə nga Aləmasiihu ka da gəjwanə

³ Ndzəkəjushi'ina, taa guci patə agi kuyiriinə niinə tə Əntənfə ka putə goonə. Ma dəbeekii ina da ha'ə, acii agi gərənə nə vii goonğa goonə aakəjwə aakəjwa. Agi tsakə gərənə nə uufəshinə ahadoonə patə əsə. ⁴ Aciikii, inə də neenə na, agi dələnə niinə duunə ahada Ikəliisiyanyinə nga Əntənfə. Agi banə niinə ka tii makə sətə kəjəanuunə agi vii goonğa goonə dagi ciba da jərə'wə patə ətə dfi unə agikii.

⁵ Ci nə səndə ca baarii tuu'ina, də rəgwa nə Əntənfə a da gəjwanə ka ənja. Ka mbu'utəginə nə ci duunə koona ndzaanə agi jwaŋuunaakii, acii ka putakii cuuna sa ciba. ⁶ Ka slənənə nə Əntənfə sətə dəbee, waatoo ka cibeənə nə ci ka ənjitə ca cibeə koonə. ⁷ Ma unə ənə ca cibə,

1:1 1.1 1 Tees. 1.1. **1:3** 1.3 2.13; 1 Tees. 1.2-3. **1:4** 1.4 1 Tees. 2.19-20; 3.3,7. **1:5** 1.5 Fil. 1.28. **1:6** 1.6 Rooma 12.19; Səniinə 18.6.

ka viinē nē ci koonē əpisəka deenē əsə. Ha'ə na da saa'itē nē Slandanē Yeesu a jiga dadagyə tii da madiigərə malaa'ikanyinaakii ahada gana ŋga gunə. ⁸ Ma cii kəya sha, ka cibee ka ənjitē kaaree ka Əntaŋfə da ənjitē naanagi ka luu Ŋunyi Habara ŋga Slandanaamə Yeesu.

⁹ Kadə nē təya sa ciba, Əntaŋfə a zamagi də tii ka ca'ə ndəŋwə ndəŋwə; Slandanə a lakəgi tē tii dzadə, paa tii na nee ka məghərəvənaakii da baawədaakii. ¹⁰ Ma ətsə patə, ka slənənə saa'itē nii kəya ənya. Maa kə mbu'ya maduunə uuseraakii, ka dʉunətənə nē ənjaakii tē ci. Patənə ŋga ənjitē vii ka ci gooŋga əsə, təya dəla də ci. Da i unə na dʉa ha'ə saa'ikii, acii kə liwuunə wabəətə bii inə koonə.

¹¹ Aciikii ciina dʉa də'wa ka putə goonə taa guci patə. Ina kədii acii Əntaŋfə kaa ca mbu'utəgi duunə, una ndzaa bahə makə sətə 'wii ci tuunə koonə ndzaanə. Agi kədiinə niinə əsə kaa ca tsakə tuunə agi slənə ŋga'əətə cuuna moo dʉanə patə, ca tsakə tuunə əsə koonə dzə aakəŋwa də slənətə cuuna dʉa acii kə vii unə gooŋga ka ci. Wa ca tsakə tuunə ha'ə də baawədaakii.

¹² Də ha'ə viinə ənji məghərəvənə ka ləmə ŋga Slandanaamə Yeesu putə goonə. Ma unə əsə, ka viinə nē ci koonə məghərəvənə. Ma ətsə patə ka dʉanə ha'ə, də pwapoonə ŋga Əntaŋfə gaamə da Slandanaamə Yeesu Aləmasiihu.

2

Sətə na takəŋwa dʉanə taabu'u shinə ŋga

1:7 1.7 Mat. 25.31; 1 Tees. 5.1-2. **1:8** 1.8 Isaa. 66.15; Rooma 2.8; 1 Piita 4.17. **1:11** 1.11 1 Tees. 1.2-3; 5.24.

Yeesu

¹ Ndzəkəŋushi'ina, agi gəranə nuunə shineŋga Slandanaamə Yeesu Aləmasiihu da dzatə də nə gaamə akəŋwaciikii. Amma agi kədiinə niinə acii unə, ² maa kə fii unə kə bii ənji oo'i, kə mbu'ya uusəra ŋga ənyanə ŋga Slandana, ga haŋkala goonə a gwazəgi pii pii. Goona ŋgwalə, goona luuvə əsə, taa kə fii unə, kə dīi ənji anabaakwaanə, taa waazanə, taa kə nyaahə ənji asəkə ləkələkətə də banə oo'i, da meenə shigi, goona luuvə shaŋə. ³ Taa də iitiitə patə, goona kapaa rəgwa ka ənjə a isəkwa tuunə. Acii ma taabu'u mbu'yanə uuserakii, ka bwaseenə nə ənji laŋə ka nə'unə tə Əntaŋfə, ŋwanŋwə 'waslyakəənə a shigi. Ma ca, əndə ŋga gunə nə ci. ⁴ Ka bərapaanə nə ci sə ŋga paslənə patə, ca dūunətə naakii nə palee ka uushi'inə patə. Ha'ə ca dzə aasəkə *yi ŋga Əntaŋfə, ca ndzaa davə, ca ba oo'i, ci nə Əntaŋfə ndilə ndilə. ⁵ Uushi'iitə patə, kə bii nyi koonə saa'itə nyi ma'ə ahadoonə. Anii kə zaanə koonə saŋa?

⁶ Ma əndzə'i, tə'i uushi pa'əgi ka uushi'iitə rəgwa. Kə shii unə səkii əsə. Amma, maa kə mbu'i saa'ikii, ka shiginə nə ŋwanŋwə 'waslyakəənə paŋgəraŋə. ⁷ Taa əndzə'i, laŋə ci ənjə a slənə bwaya bwayaanə ka Əntaŋfə. Ma amə, kə shii amə makə sətə ci ənjə a slənə bwaya bwayaatsa, acii kə baarii Əntaŋfə kaamə. Amma, ma sətə na slənə, ma'ə zəku'i. See madaŋgiragi Əntaŋfə sətə pa'əgi ka tii rəgwa. ⁸ Maa

2:1 2.1-2 1 Tees. 4.15-17; 5.1-2. **2:2** 2.2 2.15. **2:3** 2.3 1 Tim. 4.1; 1 Yooh. 2.18. **2:4** 2.4 Əzaki. 28.2; Dan. 11.36; Səniinə 13.5-6.

kə ɲgərəgi ci, wata ɲwanɲwə 'waslyakəøtsə a shigi paɲgəranə. Amma, maa kə ənya Slan-danə Yeesu, ka bələginə nə ci tə ci də mədə ɲga bamakii, ca həhədəgi tə ci də baawəda ɲga məghərəvənaakii. ⁹ Taabu'u bələginə

Yeesu tə ci, kadə nə ɲwanɲwə 'waslyakəənə a shi də baawəda ɲga *Seetanə. Ca slənə sə ɲga hurəshishinə ɲga jirakənə kama kama.

¹⁰ Ma ənjitə uugi ɲgərə rəgwa ɲga zanə, ka isəkwanə nə ci tə tii də taa ɲgutə tsarə ɲga məza jarəwiinaakii. Ma ənjitsa, ka zanə nə tii, acii kə kaaree tii ka uudə gooɲga kaa təya upaa luupaanə. ¹¹ Acii ha'ə, kadə nə Əntaɲfə a kavə tə tii, kaa haɲkalatii a zə'uugi, təya nə'u jirakənə.

¹² Ma nii kəya də ha'ə, kaa gəɲwanaakii a kula aanə patənə ɲga ənjitə kaaree ka nə'u gooɲga, təya də moodasəka də slənə 'waslyakəənatii.

Ndzaamə ndihə ndihə agi gooɲga

¹³ Ndzəkəɲushi'ina, kadashinyinə ɲga Slan-dana, taa guci patə agi kuyiriinə niinə tə Əntaɲfə putə goonə. Ma dəbeekii ina də ha'ə, acii kə ta'i Əntaɲfə tuunə daga ci ma'ə matagamə duuniya. Ma ta'i ci tuunə, kaa ca luupaa tuunə. Ci laabagi tuunə də baawəda ɲga Malaaba Ma'yanə koonə nə'utə gooɲgaanə.

¹⁴ Ka ətsə ha'ə 'wii Əntaɲfə tuunə dagi waaza ɲunyi Habara geenə koonə. Ma 'wii ci tuunə, koonə shii upaa ndzaanə agi məghərəvənə ɲga Slandanaamə Yeesu Aləmasiihu. ¹⁵ Acii ha'ə,

2:8 2.8 Isaa. 11.4; Səniinə 19.15. **2:9** 2.9 Mat. 24.24; Səniinə 13.11-13. **2:11** 2.11 2 Tim. 4.4. **2:12** 2.12 1.6-8. **2:13** 2.13 1.3. **2:14** 2.14 1 Tees. 5.9.

ndzəkəŋushi'inə, kəŋaanəmə ndihə ndihə, una kəsətə tənə tənə tə goŋgatse jigunyiinə koonə də bameenə da də ləkələkətə geenə, una kəsətə tənə tənə.

¹⁶ Ma Slandanaamə Yeesu Aləmasiihu də naakii nə da Əntanfə Dəsənaamə, kə uu'i ci taamə, agi tsakənə nə ci taamə də pwapoonaakii taa guci patə, ca kavə taamə ka gəra ŋunyi sətə na shi. ¹⁷ Wa ca banee ka ədzəmuunə, ca vii koonə ŋgeerənə ŋga slənə ŋga'əənə da ba ŋunyi wabənə taa guci patə.

3

Də'wa ka putə geenə

¹ Wiinə səndə ciina uudəpaagi koonə dīi, ndzəkəŋushi'ina: ma d'anuuna, damə də'wa ka putə geenə kaa wabənə ŋga Slandanə a shii dzənə aakəŋwa pii pii, kaa əŋjə a d'uunətə wabənəkii, makə sətə cuuna d'uunətə əsə.

² Damə keenə də'wa əsə kaa Əntanfə a luupaa tiinə acii bwaya əŋja. Damə ha'ə, acii əntaa patənə ŋga əŋji nəndə da vii goŋga. ³ Amma, ma Slandana, əndə nə'utə aləkawalə nə ci. Ka tsakənə nə ci koonə ŋgeerənə a ədzəmuunə, ca nəhə tuunə acii *Seetanə. ⁴ Kə yarədii inə tuunə putə ŋga Slandana. Waatoo, agi nə'utənə nuunə makə sətə bii inə koonə. Dəŋə aakəŋwa əsə, ka nə'utənə nuunə ha'ə. ⁵ Wa Slandanə Yeesu Aləmasiihu a baarii koonə rəgwa, una shii

2:15 2.15 3.6; 1 Koor. 11.2. **2:16** 2.16 1 Tees. 1.4. **3:1** 3.1 Slənə 2.4; Rooma 15.30; 1 Tees. 5.25. **3:3** 3.3 1 Koor. 10.13; 1 Yooh. 5.18. **3:4** 3.4 1 Koor. 4.16; Gal. 5.10.

make sətə uu'i Əntaŋfə tuunə, una sə'watə make sətə sə'watə Aləmasiihu.

Nga'ə nə sləna

⁶ Ndzəkəŋushi'ina, waniinə ka banə koonə də ləmə ŋga Slandanə Yeesu Aləmasiihu: mada tə'i manya'inə ŋga ndzəkəŋushi'inə ahadoonə, goona ndzaa da tii. Ma təya, paa tii ka nə'utə səndə jigunyiinə koonə. ⁷ Unə də noonə

na, kə shii unə taa iitə nə'utənuunə dərəpə geenə. Acii ma saa'itə ŋjiinə ahadoonə, əntaa manya'inə ŋjiinə. ⁸ Makapaamiinə neenə nə ka əndə a adəvə keenə yadə ki'inə ka ci saakii. Amma kə slənyiinə iza iza'u vədə da uusəra, acii geena ndzaa ka tərənə agyanə taa wu ahadoonə. ⁹ Ma dīi inə ha'ə, əntaa mbu'unə nəndə mambu'umiinə bahə ləgwa zəmə acii unə, amma ma dīi inə ha'ə, keena ndzaa koonə ka sə ŋga dzəgunənə, una nə'u dərəpə geenə. *

¹⁰ Ma saa'itə inə ahadoonə, kə ŋjiinə a ba koonə oo'i, ma əndətə kaaree ka sləna, ga əŋjə a vii ka ci zəma.

¹¹ Ma bii inə koonə ha'ə, acii kə fii inə oo'i, tə'i hara əŋji ahadoonə, manya'inə nə tii. Pooshi uushi ci təya slənə, madaamə ndzaanə zərakə da kaala matii aagi slənə ŋga hara əŋji.

¹² Yoo, ma tsarə ŋga əŋjitsa, waniinə ka banə ka tii də ŋgeerənə, də ləmə ŋga Slandanə Yeesu Aləmasiihu: wa təya slənə də rəgwa, təya zəməvə ka natii na.

3:6 3.6 3.12; 1 Tees. 5.14. **3:8** 3.8 1 Tees. 2.9. * **3:9** 3.9 Slənə 18.3; 1 Tees. 1.6; bahə ləgwa zəma: 1 Koor. 9.4. **3:10** 3.10 1 Tees. 4.11. **3:11** 3.11 1 Tim. 5.13. **3:12** 3.12 Af. 4.28.

¹³ Ndzəkəŋuŋuŋi'ina, ma una, ga ca wunəəne koonə nə ɗa ŋunyi sləna. ¹⁴ Madfa kə naanagi əndə ka nə'utə wabəənə nyaahiinə koonə asəkə ləkələkətəna, kantsaamə ka ci ginə, goona ndzaa da ci, kaa ayinə a shii kəsənə tə ci. ¹⁵ Amma goona nee ka ci makə əndə daawaanə goonə. Ma ɗanuuna, wabəmə ka ci makə sətə cuuna wabə ka ndzəkəŋuŋuŋi'inuunə.

Muudinə ŋga wabənə

¹⁶ Ma Slandana, ci ca vii ndzaanə jamə. Wa ca vii koonə ndzaanə jamə ci saakii taa guci patə, taa ka ŋgutə rəgwa patə. Wa ca ndzaa doonə patə.

¹⁷ Nyi Bulusə də ciinəki ca uudəpaa naahə ləkələkətənə də nəhəpaanə tuunə. Ha'ə asəkə taa ŋgutə ləkələkataaki əsə. Naahənə ŋga ciinəki ətsa. ¹⁸ Wa Slandanaamə Yeesu Aləmasiihu a ɗa koonə patə pwapooŋaakii.

3:13 3.13 Gal. 6.9. **3:14** 3.14 1 Koor. 5.9,11. **3:15** 3.15 Mat. 18.15-17; 1 Tees. 5.14. **3:16** 3.16 2 Koor. 13.11. **3:17** 3.17 1 Koor. 16.21.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

56396c70-45d3-5118-be46-8c4c3fec34f1